

7
K29-51
1

中國方志叢書·華北地方·第五五三號

據

民國·王士敏修，呂鍾祥纂
民國二十五年石印本

影印

甘肅省

新纂康縣縣志

(一)

成文出版社有限公司印行

新纂康縣縣志叙

觀古今之為政者莫不溯本探源傾其底蘊察其竅要而後導之正軌於事鮮有不濟者也康邑環山壤接川陝橫跨東西南北萬千四念方里人口屢雜近乎十萬生活各異余接篆之日正赤匪壓境之時民情風俗保安教建政治設施聲聲大端苦無史志以考余心促促然適舉蘭呂希林先生弁子喪來邑話滄桑故事知彼為淵博學者未幾邑紳集會編纂縣志聘呂君總筆又聘畧陽何麗生君助之邑紳黃周崔馬張婁諸君子附之於是遶定採訪聘任評事呈報省府露布民衆十日一會集群賢徵證今古

聚鄉老溯其沿革分工合作日夜辛勤正值中央剿匪境
內五年所幸縣府袍澤地方人士步調齊一力謀進取編
查保甲集點民團雖然幾經匪警風聲鶴唳鄰封惶惶不
可終日而諸君子安然鎮定毅然努力此誠難能可貴者
也保安大隊竭力維持秩序安靖教育建設與日亦增夏
麥既豐秋谷登場幸斯舉已告成非個人之力乃群策群
力也非多財之力惟諸君子若幹硬幹非幹不可之精神
所促成也於是乎叙

黔東王士敏克明德馨撰

新纂康縣縣志叙

志者記也記事實也體與史同方志中之事實於古各有專書各有體例能合諸體例彙成一書又必分諸書以遂各體方為體備而用宏自班固創為地理志仿之者代有名人其宏篇佳構不無識者所疵故修志之難江淹謂其無出於志蓋以志者一邑之掌故所係非博覽群書上下古今攷據精詳者不辦況於數千百年後尋數十百年前之文物典章與變更沿革勒為成書則誠難矣客冬余有子之喪由蘭來康適克明縣長提倡修志邀余主筆余知其難畏其難不敢任其難也今春

與余談殷拳致意謂下車時即有修志之舉因人民惶
恐知非急務故以改編組保安隊編保甲練民團為積
極進行令者地方稍為靜謐人民賴以安居修志之舉
刻不容緩先生毋固余聞之深嘉其有治世才非以沽
名也非以邀譽也能以實心行實政大有造於康也充
此心以濟時利物異日設施政正未可量以故忘其難
而應之幸委黃雅兩明經與何博士共相參訂尤出階
州直隸州續志以此為標本分門參攷詳加斟酌俾覽
康志者可以見歷代典故時會之盛衰地勢之險夷陵
谷之變遷政治之得失風俗之厚薄人才之消長甯質

勿華甯闕分濫先生以為然否余又知其武而文者豈
可以武人視之然余老矣才淺學疎加以心緒惡劣不能
握管深信何黃崔三公之才識學力均足匡余之不逮
日夜編纂如期而成三公之能何如哉余特總其大凡
而已詳審之謂為志書可謂為志料也可謂為志料以
俟後之博雅君子從事而糾正之亦無不可

時


民國乙亥秋七月望後奉蘭呂鍾祥希林謹叙

新纂康縣志序

一縣之有志猶一家之有譜譜失斯一家昭穆考妣伯叔父子兄弟皆泯滅而無考志成則一縣山川道里土地人民政事一展覽焉即知我康向隸武都凡一切丁徭賦稅典籍文物悉載武階志中世代相沿厯年已久康邑遼遠推向隅而已民國四年地方公舉代表赴省懇稟列憲呈請改縣迭經兩次不果終嘆有志未逮幸民國十八年春正值省府改縣期間籌及康邑特派省大員及渭川道葉親臨康邑勘勘一切呈覆後即行確定先改永康後刪永字即以康字名縣至今六七載厯任諸公恆謀修志率多

未遑容冬我克明縣長下車後即以修志為己任決意完
成不尚空談又值呂希林先生因擬子樞由蘭來康王公
知為積學士聘為總纂余與何崔同為會纂共勸斯舉於
三月開局以階州續志為標本參以峽陽成縣兩志閱六
月依期完成卷帙四冊其中事實仿古採今純係質樸是
役也有續志專美於前康亦不落人後俾哉此舉我總辦
督促提倡之力居多而總纂筆削王成之功亦復不少至
編輯採仿諸君子咸與有力焉余不敏身任縣府三科科
長百忙中聊贊一二會纂敢云乎哉後之覽者有以諒我
則幸甚是為序

民國乙亥秋八月望後邑優廩生黃汝憲循化甫序於縣署西花廳



新纂康縣縣志叙

邑之有志資考鏡也康邑隸甘肅之邊陲東界甯羌南通
平廣西連武文北接成禮誠甘蜀秦三省之要隘也向係
階州分州無專志民國四年閩紳公推黃君傳新李君升
亭與峻代表改縣晉省電請中央批准在案即委渭川道
尹向君楷撥糧劃界州判馬君繼武派峻與侯君錫舉隨
省委赴階文涉除原有二里半不計外又撥佛堂八旗各
半里呈覆到省後因有長文替致此案虛懸延至十八年
始改縣制厯任邑宰均未計及於邑志客令王公克明下
車伊始為民衆除痛苦如補成垣築水道建學校籌學款

練民團編保甲尤以邑志為要務極端提倡於是召集各界開會議決擇日開局分配職務峻蒙不棄始任採訪繼任會纂自愧年邁學荒不無續貂之譏幸有奉蘭呂希林先生畧陽何麗生與同學黃循化皆淵博有文名與之斟酌從事編纂六閱月即成書是役也雖有馬君仲履姜君子漁張君益之等贊助實我克明縣長督促指示之功也故序之民國乙亥秋九月朔日邑附貢生崔峻嵩奉甫謹識

新纂康縣縣志叙

曠觀荷旃被毳者難與道純錦之麗密羹藜飯糗者難與
論太牢之滋味若謙也生於荒陬僻壤之間長於土階茅
茨之下無游觀廣覽之知大雅懿達之才山野愚匏繫
杜會其於錦麗牢味則貿貿而莫辨復何足語文章邑來
歲客冬王公克明牧于斯以邑遭叔餘主政三月土地治
田野闢人民安集尤以暇晷謀脩邑志識謙於蓬華之中
委以編輯謙思鉛刀之能不堪一用自應藏拙免濫竿賢
位蹈南郭處士之譏值皋蘭呂節林先生以予喪來康得
聘之為主政風諸先生為隴上名士與志宗家共鴻編傑

著早已風行海內加之何麗生黃循化兩先主均屬當代
通儒實景仰之深恐弄斧之下貽笑班門謹附諸公步趨
幸未瞠乎其後於一稿出先陳何黃刪潤繼上王呂鑒定
始繕楷而付石是役也譙幸得窺一斑焉倘將燕趙觀秦
華之高覽河海之大拓其襟懷擴其眼界豈非造物者惠
謙之厚特假之此緣乎且也顏淵附驥尾而行頭夷齊過
孔子而名彰以謙之不才無學固不能與先賢之清風亮
節彪炳簡冊同垂奕禩而追隨諸君子之後使姓字常留
寰宇而不朽者則斯主之至幸也夫是為叙

中華民國二十四年歲乙亥秋七月乞巧日張劬謙益之

氏謹叙於萬小枝之北軒

